

նորոգում և ապահովում ամբողջ տարվա հաջողությունը՝ առատությունը և ուրախությունը, նաև վերացվում էր տխրություն առաջացնող ամեն առիթը:

Դովլաթ կրկենու օր: Հունվարի 4-ը կրկենու կամ դովլաթ կրկենու օր է¹⁵: Արևի մայր մտնելուց հետո խմորը հունցում էին ձեթով կամ ճեղգուրի՝ ընկուղի հեղեղալով— փափուկ միջուկով, մեջը դնում էին հոնի կօրեկեց՝ հոնի կորիզ կամ լոբի, երբեմն մանր դրամ: Խմորը կլորում, ետ տանում և հաստ բաղարջի ձև տալով օջախի կրակի վրա (մեծ մասամբ մոխրի մեջ), թխում էին: Թխելուց հետո մի շորով մոխիրը վրայից մաքրում էին և հաշվելով տանեցիներին, նաև կովերից կամ ձիերից մեկին՝ այդ թվով մասերի կտրում: Որի բաժնի մեջ կորիզն էր՝ դովլաթն էր դուրս գալիս, նրա կրթխին՝ գլխին էր այդ տարվա դովլաթը, այսինքն՝ ինչ որ այդ տարին ընտանիքի գլխին էր գալու, լավ թե վատ, նախ և առաջ նրա գլխին էր կատարվելու: Եթե կտրելիս դանակը կպչում էր կորիզին՝ լոբուն, դրամին, դա նախագուշակություն էր, որ այդ տարին տան ծերերից մեկը մեռնելու էր, նրա օրը կտրվելու էր, պակասելու էր:

Մենդյան ճրագալույց: Սա կատարվում էր եկեղեցու սահմանած եղանակով: Զանգեզուրումն էլ այդ իրիկուն շատերը մասն էին առնում՝ հազորդվում էին, ամբողջ օրը ծում պահելով: Ավելի բարեպաշտներն այդ երեկոյին նախորդող պասի ամբողջ ընթացքում, սրբություն առնելուց առաջ, միաժամ էին լինում, այսինքն՝ օրվա մեջ մեկ անգամ էին հաց ուտում, այն էլ արևի մայր մտնելուց հետո:

Ճրօխնէֆ: Զրօրհնյաց տոնին խաչն էին ճուր քրքրմ: Թեև այդ ծիսակատարությունը նկատվում էր որպես Քրիստոսի մկրտության հիշողությանը նվիրված հանդիսակատարություն, սակայն հենց այդ ավանդության մեջ խորն արմատացած են շատ հեռավոր անցյալից եկող մագիկ միջոցառումների նշաններ: Այնպես, ինչպես այդ հանդեսը կատարվում էր Զանգեզուրում, նույնպես հայաբնակ այլ վայրերում, մանրամասնությունները պարզ ցուցաբերում էին ջրի կենսատու ուժի արթնացումը հետապնդող նպատակ: Այստեղ էլ, ինչպես հայկական այլ գավառներում, ոչ միայն երիտասարդները, այլև շատ հասակավորները¹⁶ տվորված, ցրտից դողդողալով և մուշտակի կամ այլ տաք շորի մեջ փաթաթվելով՝ սպասում էին այն վայրկյանին, երբ խաչը ջուրն էին ձգում, և անմիջապես իրենց նետում էին ջուրը, այն անհողողը հավատով, որ օրհնված ջրի զորությունն իրենց էլ հաղորդվելու է: Զուրն օրհնվում էր նրա կենդանարար զորությունն արթնացնելու համար: Հանդեսի ժամանակ արձակում էին ուղունագնէր՝ աղավնիներ: Եկեղեցին այս բացատրում է նրանով, թե ըստ ավետարանական ավանդության Քրիստոսի մկրտության ժամանակ սուրբ հոգին աղավնակերպ իջել է նրա վրա: Բայց հայտնի է, որ Միջագետքում Աստարտէ-Շամիրամի պաշտամունքի հետ շաղկապված էր ջրի պաշտամունքը և այդ աստվածուհուն էր նվիրված նաև աղավնին և Զրօրհնէֆի ժամանակ աղավնիներ բաց թողնելը պետք է բացատրել ոչ թե Քրիստոսի մկրտության ավանդությունով, այլ ջրի նախնական պաշտամունքով: Քրիստոսի մկրտության մասին պահպանված ավանդությունն ինքնին ոչ այլ ինչ է, եթե ոչ շատ նախնական սովորության քրիստոնեական ձևափոխություն, սովորություն, որը նպատակ ուներ կաշկանդված ջրի ազատագրումը և նրա կենսատու ուժի

¹⁵ Կարնո գավառում ասում են Կարի (ըստ Կարնո դաշտից Զավախքի Խանչալի գյուղը վերաբնակվածների վկայության):

¹⁶ Օրինակ՝ Գորիսում: